

Ref: GSS/MoF/OM/0200/20

Date: 15/09/2020

**Subject: Miisaaniyadda DGG ee Muddada u dhaxaysa 1da Jannaayo ilaa 31ka Disembar Sanad Maaliyadeedka (Fiscal Year 2021).**


**Mudane Wasiir,**

Wasaaradda Maaliyadda DGG waxay idinku wargelineysaa in la bilaabayo geeddi-socodka diyaarinta Miisaaniyadda sanad-Maaliyadeedka dhammaanaya **31ka Disembar 2021.**

Sidaa darteed, waxaa dhammaan Wasaaradaha laga codsanayaa in ay ogaadaan in Miisaaniyadooda ugu badan ay tahay sida ku qoran **Lifaaqa 1aad ee ku lifaaqan wareegtadan & in ay soo gudbiyaan qiyaasaha kharashaadka ay u baahan doonaan muddada u dhaxaysa 1<sup>da</sup> Jannaayo ilaa 31<sup>ka</sup> Disembar 2021<sup>ka</sup>.** Miisaaniyadaha ayaa loo qoondeyn karaa xisaab kasta oo Miisaaniyadeed (Budget line) laakiin Miisaaniyadda Wasaaraddu waa in aaney ka badan Miisaaniyadda ugu badan ee loo qoondeeyey (**MDA Ceiling**). Kharashaad kale oo intaa ka badan oo la soo jeedinayo/dalbanayo waa in gooni loo soo qoraa waana in faahfaahinta loogu qiiil sameynayo kharashaadka cusub la bixiyaa/faahfaahiyyaa, eeg **Foomka 6aad.**

Sida ay tilmaameyso Qaypta 23aad ee Xeerka Maareynta Maaliyadda Dadweynaha/Dowladda ee soo baxay 2018, Wasaaradaha ayaa hadda laga doonayaa in Qorshe-sanadeedka Dakhliga iyo Kharashaadka u soo gudbiyaan Wasiirka Maaliyadda ugu dambeyn 30 maalmood ka hor marka Miisaaniyadda soo-jeedinta ah loo gudbiyo Baarlamaanka. Qorsheyaashan waxaa ay u qoran yihiin qaab bille ah taas oo gacan ka geysaneysa saadaasha/odoroska lacagta caddiinka ah ee soo galeysa iyo tan ka baxaysa DGG oo sidoo kalena sal u noqoneysa Miisaaniyadda loo qoondeynayo Wasaarad iyo Hay'ad kasta. Qorshahan ayaa la soo diri doonaa waqtii ka mid ah muddada Miisaaniyad-diyaariinta (eeg Jadwal Miisaaniyadeedka/Budget Callender).

Codsiyada Miisaaniyadeed ee la soo gudbiyo waxaa qiimeyn doona Wasaaradda Maaliyadda, oo la tashaneysa Wasaarad/Hay'ad kasta, iyada oo lagu xisaabtamayo qiyaasta dakhligaa la



saadaalinayo in la heli karo. Waxaa la is barber dhigi doonaa (Compare) codsiga Foomka 6aad & wadarta Miisaaniyadda la soo jeedinayo.

Wareegtadan Miisaaniyadeed ee halkaan ku lifaaqan waxaa macluumaadka la gelinayo, ka caawinaya Wasaaradda Maaliyadda. Wareegtada Miisaaniyadda waxaa kale oo la socda foomamka loo adeegsanayo soo-gudbinta qiyaasaha Miisaaniyadda. Foomamka waa in loo diyaariyaa si waafaqsan tilmaamaha ay bixinayso wareegtadan, waana in loo soo gudbiyaa Wasiirka Maaliyadda ugu dambeyn **31<sup>ka</sup> September 2020**.

Maadaama dakhliga soo gala **DGG** uu xaddidan yahay. Wasaaradaha/Hay'adaha waxaa laga codsanayaa in marka ay soo gudbinayaan Miisaaniyadahooda ay ku soo sheegaan sida ay kharashaadku ugu kala muhiimsan yahay.

Go'aanka ugu dambeeya ee la xiriira Miisaaniyadda **DGG** ee **2021<sup>ka</sup>** waxaa qaadanaya Baaramaanka **DGG**.

Fadlan la soo xiriir Waaxda Miisaaniyadda ee Wasaaradda Maaliyadda, Telefoonadan **0615556910/0617952251**, ama Email: [Abdiaziz.husein@galmudugmof.so](mailto:Abdiaziz.husein@galmudugmof.so)/[Mohamud.adan@galmudugmof.so](mailto:Mohamud.adan@galmudugmof.so) haddii aad u baahato gacansiin.

Farxaan Cali Maxamuud  
Wasiirka Maaliyadda  
Dowlad Goboleedka Galmudug

